



Arkivnr: 2014/17691-3

Saksbehandlar: Ruth Ørnholt

Saksframlegg

Saksgang

Utval	Saknr.	Møtedato
Kultur- og ressursutvalet		19.08.2014

Sluttrapport for prosjektet Biblioteklandskap i endring

Samandrag

Det treårige prosjektet *Biblioteklandskap i endring* var tildelt til saman 1 400 000 kr frå Nasjonalbiblioteket i tidsrommet 2011 til 2013, og sluttrapport er sendt til Nasjonalbiblioteket.

Hovudmålet har vore å utvikle robuste og omstillingsdyktige bibliotek i Hordaland, som kan tilby alle innbyggjarane betre bibliotektenester. Den viktigaste strategien har vore å styrke og utvikle regionale biblioteksamarbeid i fem regionar.

Prosjektet *har* endra biblioteklandskapet i Hordaland. Samarbeida har konstituert og konsolidert bibliotekregionar i fylket. Biblioteka som er med i ein samarbeidsregion, har fått felles identitet og ser stor nytte av å delta. Biblioteksamarbeida er tette faglege nettverk og einingar som opererer heilskapleg mot eigarar og publikum. Dei felles nettstadene fungerer som plattformer for det samla bibliotektilbodet i regionane og gir auka moglegheit for samarbeid om fleire tenester. Støtte på relativt små summar frå fylkeskommunen, har ført til permanente tiltak i biblioteka og aktivitetar som har hatt stor publikumsappell.

Resultatet frå prosjektet *Biblioteklandskap i endring* er grunnlaget for det treårige prosjektet *Sterk, spenstig og klar*, som har fått kr 600 000 i utviklingsmidlar frå Nasjonalbiblioteket i 2014

Forslag til vedtak

Kultur- og ressursutvalet tek saka til orientering

Johnny Stiansen
fung. fylkesrådmann

Anna Elisa Tryti
fylkesdirektør kultur og idrett

Vedlegg: Sluttrapport for prosjektet Biblioteklandskap i endring
Saksframlegget er godkjent elektronisk og har derfor inga underskrift.

Fylkesrådmannen, 30.06.2014

1. Bakgrunn

Det treårige prosjektet *Biblioteklandskap i endring* var tildelt til saman 1 400 000 kr frå Nasjonalbiblioteket: 500 000 kr i 2011, 500 000 kr i 2012, og 400 000 kr i 2013. Prosjektet var avslutta ved årsskiftet 2013/2014, mens nokre tiltak blir vidareført i prosjektet *Sterk spenstig og klar*, som har fått kr 600 000 i utviklingsmidlar frå Nasjonalbiblioteket i 2014.

Saka er ei oppsummering av hovudresultata i prosjektet.

2. Mål

Hovudmål:

Fylkesbiblioteket vil i samarbeid med staten og kommunane utvikle robuste og omstillingsdyktige bibliotek i Hordaland, som kan tilby alle innbyggjarane betre bibliotektenester.

Delmål:

Fylkesbiblioteket skal skape utvikling, endring og innovasjon i folkebiblioteka i Hordaland gjennom å:

1. Etablere berekraftige og forpliktande biblioteksamarbeid i fem regionar i Hordaland i partnerskap med fylkeskommunen.
2. Utarbeide ein strategi for kompetanseutvikling for biblioteka i Hordaland, og utarbeide og gjennomføre ein handlingsplan for kompetanseutvikling for folkebiblioteka i fylket.
3. Leggje til rette for digital samhandling og kunnskap - og kompetansedeling gjennom å prøve ut digitale kommunikasjons- og samarbeidsverktøy mellom biblioteka.
4. Stimulere til leik som eit verktøy og ein teknikk for å oppnå kreative innovasjonsprosessar i biblioteka.

3. Oppsummering

Hordaland fylkesbibliotek har kanalisert sentrale målområde i dei siste to fylkesdelplanane for bibliotek (periodane 2001-2005 og 2007-2010) inn i prosjektet Biblioteklandskap i endring. På møte i Kultur- og ressursutvalet 23.08 2011, vart det samrøystes vedteke at fylkeskommunen sin regionale bibliotekpolitikk skulle vidareførast i Strategisk plan for bibliotek i vidaregåande skule i Hordaland 2011-2015, Strategi for kompetanseutvikling i folkebibliotek og skulebibliotek i Hordaland 2011-2015 og i prosjektet Biblioteklandskap i endring.

Hovudinnhaldet i prosjektet har vore kompetanseheving, utvikling av modellar, infrastruktur og stimulering av kreativitet og nytenking. Den viktigaste strategien har vore å styrke samarbeidet mellom fylkesbiblioteket og dei fem regionale biblioteksamarbeida i fylket. Eit arbeid som har gått føre seg i fleire år har blitt systematisert og formalisert, og der er tatt eit samla grep om utvikling, endring og innovasjon for biblioteka i Hordaland.

Prosjektet omfattar 30 av 33 kommunar i Hordaland, dvs. at Voss, Os og Bergen ikkje var med i den opphavlege søknaden. Under arbeid med prosjektet, har desse kommunane blitt trekt med i ulik grad.

Første året var hovudaktiviteten samarbeidet mellom fylkesbiblioteket og dei fem regionale biblioteksamarbeida og utarbeiding av kompetansestrategien.

Andre året blei det arbeidd med å etablere partnerskapsavtalar med dei regionale samarbeida. I kompetansearbeidet var hovudsatsinga eit kompetansegivande kurs i *Endringledelse, innovasjons og kunnskapsledelse* med 21 deltakarar. Studiet stimulerte til kreativitet og innovasjon i biblioteka. For å stimulere innovasjonsprosessane blei det hausten 2012 lyst ut midlar for å støtte leik og eksperimentering i biblioteka. 5 prosjekt i 6 kommunar fekk tilskot på til saman kr 68.000.

Det tredje året blei det særskilt satsa på å vidareutvikle dei felles biblioteknettstadene teknisk og redaksjonelt. Gjennom bruk, kommunikasjon med brukarar og enkle brukarundersøkingar har dei bibliotektilsette skaffa seg erfaringar og gjennomført stegvise endringar i design, struktur og innhald. Også i 2013 vart lyst ut midlar til leik og eksperimentering i bibliotek. 8 prosjekt i 10 kommunar fekk tilskot på til saman kr 46.000.

Eit av delmåla i prosjektet var å leggje til rette for digital samhandling og kunnskap - og kompetansedeling gjennom å prøve ut digitale kommunikasjons- og samarbeidsverktøy mellom biblioteka. Hovudaktiviteten har vore å få til eit godt og effektivt samarbeid kring dei tre nettstadene som er utvikla i Drupal. I samband med dette har ein prøvd ut ulike kommunikasjons-verktøy på nett.

Prosjektet har endra biblioteklandskapet i Hordaland. Samarbeida har konstituert og konsolidert bibliotek-regionar i fylket. Biblioteka som er med i ein samarbeidsregion, har fått felles identitet og ser stor nytte av å delta. Biblioteksamarbeida er tette faglege nettverk og einingar som opererer heilskapleg mot eigarar og publikum. Dei felles nettstadene fungerer som plattformer for det samla bibliotektilbodet i regionane og gir auka moglegheit for samarbeid om fleire tenester. Støtte på relativt små summer frå fylkeskommunen, har ført til permanente tiltak i biblioteka og aktivitetar som har hatt stor publikumsappell. Samarbeida har blitt fundamentet i utviklingsarbeidet på fylkesbiblioteket.

Vedlagt er sluttrapporten som er sendt til Nasjonalbiblioteket.